

دائرة مخصوصه

در سعادتده باب عالی جوار ننده

محل اداره :

مشرط القلم

۱۳۲۶

اخطار :

مسلكمزه موافق آثار جديده مع المنوويه
قبول اورانور

درج ابدنه بن آثار اعاده اورانور

ديب، فلسفه، علوم، حقوق، ادبيات، سياست، و بافاده كرك سياسى و كرك اجتماعى و مدنى احوال و مشوره اسلاميه و در بحث ايد و هفته ده بر نشر اورانور.

آبونه بدلى

صاحب و مؤسلى :

در سعادتده نسخه سى ۵۰ پاره در

ابوالعلا زين العابدين - ح . اشرف اديب

سنه لکى التى آيلنى

ممالك عثمانيه ايچون	۸۰	۴۰	غروش
روسيه	»	۶۰۵	۳۰۵ روبله
سائر ممالك اجنبيه	»	۱۷	۹ فرائق

تاريخ تأسيسى

۱۰ تموز ۳۲۴

قبراه دن مقوا بورو ايله كوندريلىر سه سنوى
۲۰ غروش فضله آلنير

عدد : ۷۹

۲۸ صفر الحير ۳۲۸ پنجشنبه ۲۵ شباط ۳۲۵

در دنجى جلد

ایلمشدر که انسان؛ نظر حقیقت ایلله باقمحق اولورسه او عاشق صادق نبوینک عرفانه مفتون و وسعت تصور و عظمت تخیله کی اقتدارینه حیران اولور. موضوعنک درجه علویه سنی بیانده لسانک قاصر اولدیغی :

شش جهندن اول منزله ذوالجلال بی کم و کیف آکا کوستر دی حال بی حروف و لفظ و صوت اول با شاه (مصطفی) به سوبلدی بی اشتباه ابیات لطیفه سی طرز بیانده کی صنعت رقیقه طوغریسی حضرت ناظم محترمه مخصوصدر ذنیه بیلیر. سلیمان چلبی حضرتلری جتمکان بیلدیرم بایزید خان حضرتلری زمانده یتشمشدر. لسان عثمانیک هنوز تشکیلی ایتدیکی بر زمانده منقبه مبروکی نظمه موفق اولوشی؛ حقیقه خوارق موافقاتدن معدود اوله بیلیر.

وجودیله افتخار اوله حق بر محرر منک تدقیقه کوره اقتدار نظم و شاعریت سلیمان چلبی حضرتلرینه بیوک پدرلری شیخ محمود نام ذاتدن انتقال ایتمشدر. سلطان اورخان حضرتلرینک شهزاده سی علاءالدین پاشا برامل علوی فاتحانه سوقنه اتباع بر مقدار غزات کرام ایلله ایلمک دفعه روم ایللیه کچدکری زمان شیخ محمود تهیه غزانیله شهزاده مشار الیه کوندردیکی دعا نامه یه :

ولایت کوستروب خلقه صویه سجاده صالمشسین

یقاسین روم ایلمنک دست تقوا ایلله آلمشسین

بیتنی درج ایش و کندیسنک نظمه مقتدر اولدیغنی کوستر مشدر. ایشته سلیمان چلبی حضرتلرینک جدی بوذات مکرمدر. انک مخدومی عوض پاشا اولوب سلیمان چلبی ایلله مشهور شاعرلر مزدن عطایی مرحومک پدرلریدر.

حضرت ناظم محترم بروسده زینت ساز عالم شهرد اولوب مبادی و مقاصد علوم عقلیه و نقلیه بروسده تحصیل ایتدی. زماننک فضالسی صره سینه کچدی. زهد و تقواده ایلمر و کتدی. صلاح حالی، فضل عرفانی شایع اولنجه مشار الیه علاءالدین پاشا انک نجلنجیلری سلیمان پاشا کندیسه یارجان ایتدی. حتی بودلالته بیلدیرم بایزید خان حضرتلرینک شرف صحابت و التفاتنه بیله نائل اولدی. نهایت دیوان هایونه امام اولوب خیلی زمان بو خدمت شریفه ده بولندی.

خاقان مشار الیهک داماد محترم لری نقطه دائرة کمال، قدوه رجال (سید محمد شمس الدین النجاری) نام امیر سلطان قدس سره المنان حضرتلرینک بوسره ده شرف محبت علیه لرینه نائل اوله رقی برکات حسن نظر و تربیتی ایلده پرورش یاب فیض و کمال و داخل زمرة اهل حال اولمشلردر.

بیلدیرم بایزید خان حضرتلرینک ارتحالارنده امیر سلطانک امر لریله بروسده اولو جامع شریفه امام اولدیلر.

آخر عمرلرینقدر بو خدمت علیه یی ایفا ایتمشدر. شهزادکندن سلیمان چلبی دخی حضرت ناظم محترم حقنده پک بیوک التفاتلر کوستر دیکنی آثار اسلاف بزه بیلدیرمکده در.

کلدسته ریاض عرفان و تذکره لطیفی ده شویله نقل اولنورکه :- منقبه مولد شریف منظومه مبارکه سنک ترتیب و تنظیمنه بر حادته غریبه سبب اولمشدر؛ اوزمان بروسده واعظت بری اثنای وعظده

آمانجه وانکلیزجه لری آلتوب اوقونه جقدر. منع ترجمه و حتی منع دخول کافی بر تدبیر اوله میه جقدر. بناء علیه بونلرک شرندن اهل اسلامی حیانت ایده بیله جک آنحق علمای اسلامک فضیلت و فقاها تریدر. بو اوصاف ایسه بالخاصه مکاتب و مدارسده استحصال اولنور.

بوتون بویازد قلمدن عثمانی مسلمانلرینک و علی العموم اهل اسلامک، حتی دین اسلامک بقا و سعادتنده مکاتب و مدارس اسلامیه نک نه عظیم و ظیفه سی اولدیغنه اعتقاد، آرتق تمامیه ا کلا شلمشدر. بوجه تله استانبولده مدارس اسلامیه نک اصلاحنه تشبث حوادث مهمی خبر آلور آماز نه درجه لرده سوزیندیکم قولای تصور اولنه بیلور. و ذاتاً دینی، دیندا شلرینی سون هر مسلمده بنم قدر سوزمشدر. الحمد لله! بو تشبث ایلله صوک دورلرده ارتکاب اولونان ا بویوک خطالردن بریسنک تعمیرینه ایلمک آدیم آتیش اولیور. الله دعا و نیاز ایدم که دیگر آدیملرده بونی ولی ایسون ... ۱۲ صفر الحیر ۱۳۲۸

لا.

مولدی سلیمان چلبی حضرتلری

هر نازمان مولد شریف جمعیتنده بولنش اولسه هم نائل ذوق معنوی اولورم. بو سببله مولدی سلیمان چلبی قدس سره حضرتلرینه قارشو قلبنده بیوک بر محبت وارد. بروقتلر کرک کندی ترجمه حالی کرک منظومه مرغوبه سی حقنده تدقیقات و تبصراتده بولنش ایدم. جمع و تالیف ایده بیلدیکم معلوماتی؛ رساله معتبره کزک مسلکونه موافق اولسی اعتباریله؛ بلکه نشر ایدرسکز امیدیه تسطیر ایتدم، و طرف عالیرینه کوندردم. شرفلور ایتک اوزره اولان ماه ربیع الاول حسیله نشرنده مناسبتده بولنه بیلیر.

سلیمان چلبی [۱] حضرتلرینک تالیفنه خامه ران غیرت اولدیغنی منظومه مرغوبه مولد شریف فی الحقیقه تنظیر و تقلیدی غیر قابل انار مقبوله دندر. در تیوز سنده نبرو فضلالی عثمانیه طرفندن ولادت عمیمة المیمنة حضرت رسالتپناهی حقنده لسان ترکی اوزه لایم انار بر کزیده کشیده سلاک تعظیم و تکریم قلمش فقط هیچ بری سلیمان چلبی حضرتلرینک منظومه سی کعبه واردره مامشدر.

اوشرف و مرغبی آنحق اوناظم محترم قراندی. بیوکلرک بری سلیمان چلبی حضرتلرینک منظومه عاشقانه سی حقنده بو حقیقی اثباتاً :

در تیوز سنده نبرو افاضل بر سوز دیمدی اکا مائل
تنظیرینه جوق چالشدی یاران قالدی ینه بکر، مثل قرآن

بیورمشدر که سوزنده کی اصابت آشکاردر.

بوزات محترم جداً عاشق صادق و فضیلت و معرفت ذاتیه سینه مشهوردر. نظم بدیعنده او قدر اسرار و حقایق، او قدر نکات و دقائق جمع

[۱] حضرت ناظمک زمانده انندی برینه چلبی قولالندی تاریخاً آکلا شیلور. بر اثرده کورد مکه :- چلبی چلب ایللای نسبتدن مرکبدر. چلب ترکان لسانده اسمای حسنا ی رحماندن بر اسمدر. شوخالده چلبی دینلکده شرع نبوی عالم امور دس مصطفوی عارف، علم و عملده کامل اولان ذات اولدینی آکلا شیلیر. و چلبی صلاح اعمال و صفت علم و کمال ایلله متصف اولان هر ذوات کرامه اطلاق اولنور ایمش.

استعین بالله (لا یفرق بین احد من رسله) آیت کریمه سنی تفسیر صرہ سنده بو آیت جلیله موجباً بن نبی آخر الزمانی سائرین تفضیل ایتیم دیسیله مستمعین میاننده علمای عربدن بر ذات عالیقدر طرز افاده دن متأثر اوله رق دلائل قاطعه و براهین ساطعه ایله واعظ مرقومی الزاماً «بوابده ازاله جهل ایدمه ممشکز، علم تفسیرده نقصانکز واردر ایات کریمه نك ناسخندن، منسوخندن، مشابهندن غافلکز، رسل بیننده فرق یوقدر دیمکدن مقصد الهی (الله اعلم بمراده) امر رسالت و خصوصی نبوتده در، یوقسه مراتب فضیلتده دکلدر. اگر آیت کریمه نك معناسی من جمیع الوجوه دیمک اولسیدی استعین بالله (تلك الرسل فضلنا بعضهم علی بعض) بیوریلر میدی «دیوب واعظی اسکات ایلشدر. جاهل واعظک شو حال بروسه ده شیوع بولنجه کیفیت سلیمان چلبی حضرت ترینک سامعه اطلاعنه واصل اولسایله پک متأثر اولوب سیدالانام و افضل انبیای کرام علیه الصلوات والسلام افندیمن حضرت ترینک علوقدر رسالتینه اگر میلرندن باحث اولمق اوزره صورت ولادت جناب نبوتینا هیلرینی و معجزات جلیله احمدیه لرینی مصور اولان منظومه مقبوله یی از تجال واستعجال ایله ترتیب وتنظیم وشو عالیده ابقای نامنده خدمت ایتیمک اوزره کتبخانه عشق و عرفانه یادکار اوله رق تودیعی ایلشدر. حقیقه عالی مرحوم شوسطرلوی یازار: -

«سلیمان چلبی مولدنی خدمتی کندویه لازم ایتش؛ الحق بر کتاب مستطاب ایلشدر که لسان قلمده بیان رقه کلمی بر ساعت سعیده وقوع بولوب بلکه اکثر کواکبک برج شرقده افترانه راست کلوب سال بسال نیجه بیک مجالس واجب الاجالده اوقونور. الحق مؤثر ادا لایله نظم ایلشدر. نیجه مولدنی منظوم دخی واردر؛ لیکن بریسی نه اله آلنور، نه کیمسه نك کوزینه طوقونور سلیمان چلبی ایسه منقبه مولد شریفی کویاکه تعلیم روح قدس ایله سویلشدر.»

فی الحقیقه اوله در بویولده کی آثارک اک مقبولی، اک بلیغیدر.

هم سکر یوز اون ایکیدر تاریخی

بروسه اولدی تمام بیل ای اخی

تاریخ انشادینی کویسترکه بشیوز کسور سنه دنبرو ایادی احترامده اولدینی مستبان اولور.

عبد اللطیف غزی حضرت ترینک (قبله نمای کعبه العشاق) نام اثر مرغوبنده کرامات علیه واحوال عجیبه لرندن بحث اولدینی کبی مقرب حضرت نبوی اولدینه محض توفیق و فیض الهام ایله یازمش اولان اثر دلپذیری بره اندر.

نزد جلیل پیغمبریده مظهر قبول تام اولدینه؛ عصر لردنبرو بونجه منظومه لره حق رجانه مالک اولسایله قناعت حاصل اولور.

سلیمان چلبی حضرت ترینک بومنظومه مبارک سنی از وقت ظریفده شهرتکیر آفاق عالم اولوب هر طرفده تبرکاً اوقومغه باشلامش و خوشنودی جناب نبوی فی استجلابه وسیله اولسون امید شفاعتخواهانیه سیله اختیار تکلفات اولنه کلشدر.

بروسه لی رضا افندی مرحوم نسخه صحیح سنی الده ایدرک طبع

ایندیرمش و بو خدمتی ارباب عشق و محبت نزدنده پک قیمتی کورلمشدی. زیرا مستسخارک سهوندن قور توله میان بواثر جلیله زمان زمان چوق شیلر علاوه اولنهرق همان همان اصلی غائب ایده جک راده یه کلش ایدی. ای خدادن لطف احسان ایستین مولد پک رسول الله کل قصیده سی مولد کتابلرینک باش طرفه یازمش ایسه ده بونک ناظمی ۱۲۰۷ سنه سنده ارتحال داربقا ایدن و شمردده (والی) تخلص ایلین قاضی عسکر عبدالرحمن افندی اولوب سلیمان چلبی حضرت ترینک دکلدر. برده حضرت ناظم: «ترم ارتحال نبوی یی مصور هیچ برشی یازمامشدر. بو وامثالی شیلر صکره لری بشقه لری طرفدن علاوه اولنمشدر. ذاتاً دقتلیجه اوقونورسه کندیلر کندین تظاهرایلر.

بومنظومه مقبولده چوق رموزات لطیفه واردر. انلره حصول اطلاعدن صکره اوقونور ویا استماع اولنورسه نشئه کامله نك ظهوری شبهه سزدر قولاق طولوغونانی ایله شویله جه دینه مک بشقه، اسرار معانی دقیقه یه وقوف حاصل ایدرک دینه مک ینه بشقه در.

جان قولاغیله دینلر ایکن ترک حیات مستعار ایدن عاشقده کورلمش وایشیدامشدر.

حضرت ناظم محترم عزم عالم لاهوت ایلدکده کتاب عشق وجودلری بروسه ده چکرکه یه یقین بر محله احضار اولنان محفظة قبره قولشدر. قدس الله سره ونفعنا الله ببرکاته وفیوضاته آمین.

مکرراً زیارت شرفه مظهر اولدینمندن طولای حید وشکر ایدرم. قبر شریف لرینک اوزرنده دمبارمقلقدن برقه واطرافنده شبکه اولوب مزار طاشنده شویله یازیلیدر.

(منظومه منقبه ولادت نبویه علیه السلام والتحیه مؤلفی سلیمان افندی حضرت ترینک مرقد متبرکیدر. علیه الرحمة والفقران روح برقوق عالیرینه لله تعالی الفاتحه) حسین وصاف

تاریخ اسلامیت

اثر معهودینه ابوالضیا توفیق افندی نك یازدقلری

تقریبه هفتده رفیقات

تصویر افکار صاحبی والطالیه مبعوث محترمی ابوالضیا توفیق پک افندی نك معهود تاریخ اسلامیت منعی حقیقه حکومتهجه متخذ قرار علیه تصویر افکارک ۲۶۷ عددلی نسخه سنده خامه ران اولدقلری مطالعات وملاحظاتک (صراط مستقیم) د تعاق ایدر جهتی کورلماکله برابر مملکت مزده اثر مذکوره قارشای ایلک باب مباحثه یی آجیش اولمق ومطالعات مشروحه اثر معهودک لهنده بولمق حسبیه تغایط افکاری موجب اولسی محتمل بولنان ملاحظات مسروده نك هر درلو سوء تفهمه محل قالماق اوزره غرضه من ستونلرنده زمین تدقیق اتخا دی مناسب کورلمشدر:

تصویر افکار رفیق مزک بش بحق ستونی اشغال ایدن بو طویل الذیل مقاله یی ۱۶ اساسه ارجاع ایده بیلورز: